

靈寶領教濟度金書卷

一百十八之
一百二十

朝二

靈寶領教濟度金書卷之一百十八 一百十九
百二十同卷

洞微高士開光救苦真人竄金真授

靈寶通玄弘教水南先生林靈真編

科儀立成品五鍊生尸齋用

早朝行道儀

燒香頌

各禮師存念如法

衛靈呪

青陽虛映耀日回靈神虎辟邪飛天流鈴

摧奸滅試萬魔束形九微回道八威攝精

千真校錄三元蕩清左嘯中黃右策六丁
七轉八合周旋天經聖化巍巍三道順行
慶雲流布合景黃庭和與道合真

鳴法鼓二十四通

无上三天玄元始三炁太上道君召出臣等

期一

身中三五功曹左右官使者侍香金童傳言
散花玉女五帝直符直日香官各三十二人
出出者嚴裝關啓玄壇天帝神君當召此間
土地里域真官正神急上關啓臣今奉爲入
齋意以今清旦陞壇行道願得玉清道炁靈

寶妙光下降流入臣等身中令臣所啓之誠
速達徑御

太上无極大道至真玉皇上帝御前

請稱法位

具位臣某與臨壇官衆等謹同誠上啓

虛无自然元始天尊无極大道太上道君太
上老君高上玉皇十方已得道大聖衆至真
諸君丈人二十二天帝君玉虛上帝玉帝大
帝東華南極西靈北真玄都玉京金闕七寶
瓊臺紫微上宮靈寶至真明皇道君三十六

部尊經玄中大法師上相上宰上保上傳太
平下教二十四真人西城總真王君太元真
人東嶽上卿司命茅君定錄保命二真人名
山洞府得道神仙三界官屬一切真靈臣聞
玉匱流光煥玄靈於碧落金真演教施惠露
於黃埃沛北單有造之恩散中極無垠之化
萬帝設禮尊靈寶而幽顯咸宗諸天下觀貫
玄元而陰陽共仰瓊科井井寶範昭昭實生
死之津梁爲古今之柱石臣等風梧漏質霜
柳衰姿鍊景虛无未遂經丘尋壑之志役神

埃壒尚縈蹈朝履市之心嗟隙駒之難留驚
織鳥之飛迅聖恩若水未賜誅夷玄澤如天
尚承眷遇誓勤修而進寸宜精練以惜分凡
有暇投敢忘敷奏況奉詞旨敢不上聞齋意
青詞謹當敷露

宣詞

按如詞旨備極忱恂臣聞滅度藉五鍊之玄
斷除死炁安鎮賴九光之妙還返生神緣會
合而五藏重榮時節到而百骸再肉凌雲步
武成清淨之真身躡景形神證騰凌之法體

經彰聖軌義貫靈篇臣伏見某欣際昌時生
逢慶運籙傳三洞內鍊已以求真經演一乘
外度人而領教善功莫就仙品未充俾歸長
夜之關身返太陰之室茫茫歲月杳杳升沉
孝子某義重人倫情鍾天屬弟子某等情切
朝二
師恩義均父愛痛音容之迥隔念神識以何
三
之雖聖造垂慈接引諒超於神域而凡情起
孝懺祈合叩於天闈庶九死之沉淪獲千生
之快樂爰徵淨侶肅奉明科寶齋恭按於生
尸瓊冊期超於死魄紫煙上下羅龍簾以鳴

金綵仗後先列鳳繒而曳玉霄衢日近雲路
風清降鬱羅妙有之尊拱劫仞虛无之相肘
行膝步露民欲於再三日遡心馳輅天恩於
萬一祈亡故某復還治職早覲宸居脫水火
之苦輪登陰陽之樂界以今清旦陞壇行道
請法衆等運茲初捻上香
願此香煙騰空徑上供養

无上至真道寶臣等皈身皈神皈命首體投
地仰依

太上三尊願以是功德上祝

宗祧先聖社稷尊靈伏願雲璐飛霄風環翳
景鳳葆擁朝元之駕金闕凝真龍旂駉拱極
之軒瑤京侍聖福

皇圖而遙遙廣甸蔭

聖祚而葉葉英君野無鴻鴈之悲朝有鳳凰

之喜今故燒香自皈依

師尊大聖衆至真之德得道之後保天長存
和與道合真

以今清旦陞壇行道請法衆等運茲二捨上

香

願此香煙騰空徑上供養

无上至真經寶臣等皈身皈神皈命首體投
地仰依

太上三尊願以是功德歸流齋主九玄七祖
億劫種親伏願性海無波心天有耀削黑簿

朝一

四

而六根何有移青簡而五蘊皆空垂文獻以
流芳演詩書而毓秀今故燒香自皈依

師尊大聖眾至真之德得道之後升入無形
和與道合真

以今清旦陞壇行道請法眾等運茲三捻上

香今記旦期望於前古果等三卷上
願此香煙騰空徑上供養

无上至真師寶臣等皈身皈神皈命首體投
地仰依

太上三尊願以是功德歸流臣等三師四友
五族六親伏願神觀清夷天姿遽整出煩惱
網朱宮駕景以逍遙登解脫山紫府刊名而
快樂已往者散罪花而金閨通籍見在者圓
善果而玉策登圖提後覺以流芳紹先猷而
挺秀今故燒香自皈依

師尊大聖眾至真之德得道之後長享自然
和與道合真

禮方

懺方

三啓

朝一

五

樂法以為妻

愛經如珠玉

持戒制六情

念道遣所欲

澹泊正氣停

蕭然神靜默

天魔並敬護

世世享大福

又

鬱鬱家國盛

濟濟經道興

天人同其願

縹緲入大乘

因心立福田

靡靡法輪升

七祖生天堂

我身白日騰

又

大道洞玄虛

有念無不契

鍊質入仙真

遂成金剛體

超度三界難

地獄五苦解

悉歸太上經

靜念稽首禮

三禮

臣等至心稽首禮

太上无極大道

臣等至心稽首禮

三十六部尊經

大臣等至心稽首禮

玄中大法師

重稱法位

具位臣某與臨壇官衆等謹同誠上啓

虛无自然元始天尊无極大道太上道君太
上老君高上玉皇十方已得道大聖衆至真
諸君丈人三十二天帝君玉虛上帝玉帝大
帝東華南極西靈北真玄都玉京金闕七寶
瓊臺紫微上宮靈寶至真明皇道君三十六

部尊經玄中大法師上相上宰上傳太
平下教二十四真人西城總真王君太元真
人東嶽上卿司命茅君定錄保命二真人名
山洞府得道神仙三界官屬一切真靈臣聞
紫微鍊真之錄格拯竒民青華救苦之章律

朝二

六

超俊士神霄希夷之鳳簡玄虛微妙之龍符
皆帝師垂八極之卿雲故仙聖溥十華之慧
日況生前汨沒未收學道之良勲致死後淒
涼期衍返形之妙法尤蒙矜軫欲拯提攜今
亡故某夙奉真宗屢揚正教幾依光於玄座

曾綴武於彤墀修已功微莫遂坐在立亡之
志度人行淺未明神遷尸解之心忽爾遺生
倏焉謝世山林榮衛依五鎮以飛玄兆域周
旋期千齡而嘯傲尚慮有生之後積劫以來
罪網輕迷縱六情而飄浪業機自織恣三毒
以流吹徇蝸角之虛名貪蠅頭之微利傳經
授道香火不修設醮修齋禁戒莫守精炁神
日煎於玉樹玄元始雲散於金花二十七官
彭仇交戰三十九戶豎寇潛攻昧奔晨躡景
之竒忘會道運元之妙生根遽殞命蒂斯凋

筆鼓三官已紛紜於朱墨編書六洞遂流煥
於丹青自非哀籲於人間曷獲超凌於天上
建齋行道願滌前愆燒香散花覬徼後祉所
冀羅敷鶴赦昭曠龍恩鑒其皈命之勤渠錫
以升神之自在無留陰夜永證陽天歷丹陵

朝二

七

而受書詣青諸而効職依榮紫府永無輪轉
之期宴景清都常享太平之運敕地司而拱
護勒土府以衛持俾亡故某形體安寧墓域
平靜緣運不絕俾骨肉以生華冥數有期庶
形神而再合褰衣空碧振袂虛玄實允佩於

恩私可永無於報對上願天元朗晏地理清
平日月輝華山林靜謐桑麻雨足熙熙藏富
於三農榆柳春閑蕩蕩收烽於四隅方域之
綠林絕警園扉之青草堪鋤動植飛潛各全
樂意龍仙人鬼俱脫輪迴則上明

天尊大慈之化下副臣等皈命之誠謹啓以
聞

舉願念

一念爲道四大合德齋主七世父母免脫憂
苦上升天堂衣食自然

二念帝王國主道化興隆庠序濟濟皇教恢
弘威儀翼翼普天所瞻民稱太平四夷賓
伏妖惡自滅賢聖日生

三念法師功德大建教化明達俱獲飛仙
四念同志學人早得仙道更相開度

五念九親和睦好尚仁義貴道賤財行爲物
範

六念損已布施道士及飢寒者天下人民各
得其所

七念蠕動跂行一切衆生成蒙成就

八念赦贖前生今世罪對立功補過

九念家門隆盛宗廟有人世生賢才

十念尊受師經不敢中怠平等一心廣度一

切剋獲飛仙白日登天拜見太上永成真

人雲車羽駕和與道合真

朝二

八

存神燒香

香官使者左右龍虎君侍香諸靈官當令臣

早朝行道之所自然生金液丹碧芝英百靈

衆真交會在此香火爐前令臣學道得道求

仙得仙齋主受福幽顯沾恩十方仙童玉女

侍衛香烟傳臣向來所啓之誠速達徑御
太上无極大道至真玉皇上帝御前

出堂頌

回靜默

靈寶頌教濟度金書卷之一百十八

靈寶頌教濟度金書卷之一百十九

洞微高士開光救苦真人竄金真授

靈寶通玄弘教水南先生林靈真編

科儀立成品五鍊生尸齋用

午朝行道儀

燒香頌

各禮師存念如法

衛靈呪

丹靈朱火 炎霞激風 赤輪剛運 天光八衝
迸威包羅 交變萬方 流金豁落 群魔滅蹤

朝二

九

辟奸破祲 明耀元功 金符召制 躡雲乘龍
謠歌慶會 散花太空 神化冥運 四極安隆
伏御帝前 罔有不恭 和與道合 真

鳴法鼓二十四通

无上三天玄元始三炁太上道君召出臣等

身中三五功曹左右官使者侍香金童傳言
散花玉女五帝直符直日香官各三十二人
出出者嚴裝關啓玄壇天帝神君當召此間
土地里域真官正神急上關啓臣今奉爲入
齋意以今臨午陞壇行道願得玉清道炁靈
寶妙光下降流入臣等身中令臣所啓之誠
速達徑御

太上元極大道至真玉皇上帝御前

請稱法位

具位臣某與臨壇官衆等謹同誠上啓

虛无自然元始天尊无極大道太上道君太
上老君高上玉皇十方已得道大聖衆至真
諸君文人三十二天帝君玉虛上帝玉帝大
帝東華南極西靈北真玄都玉京金闕七寶
瓊臺紫微上宮靈寶至真明皇道君三十六

部尊經玄中大法師上相上宰上保上傳太
平下教二十四真人西城總真王君大元真
人東嶽上卿司命茅君定錄保命二真人名
山洞府得道神仙三界官屬一切真靈臣聞
赤明開圖耀靈光於混洞清微御運弘祖炁

於洪濛幹天經地緯之機拯陰施陽生之健
希夷變化芒八角而玉宇浮沉微妙神奇蔭
十華而金書遐邇大哉玄元之道至矣靈寶
之宗幽顯咸資天人是賴臣等木雞未粹芻
狗已陳負神龍雲葉之書志期高蹈混野馬
風埃之俗迹尚卑棲徒誓地以學真尚憲天
而領教官商帝載宜慶丹忱黼黻皇猷庸符
素願庶懇勤而補過期黽勉以立功凡有皈
投敢忘敷奏況奉詞旨謹爲宣聞

朝二

十

宣詞

按如詞旨備切忱恂臣聞運滅度以返生功
繇五鍊神返還而起死期邁千齡倏然而骨
肉同翔忽爾而形神共舉山林宴御為天上
之仙宗雲漢飛流超寰中之塵俗事陳妙法
義載真經臣伏見某名徹九清道該三洞學
無積善神遊大夜之墟道背明師身掩九泉
之域升沉寂寂歲月茫茫孝子某一炁相關
百身莫贖弟子某等事死非生奉師若父荷
生成之重德感教誨之深恩雖上聖提攜諒
不替紫樞之職守而下愚冥昧恐或淪黑鬱

之條章故殫請命之勤擬拜升神之惠肅遵
雲笈爰建星壇修生魂崆峒之齋超死魄飛
玄之爽雲鏞激響飛翠葆以翩翩月籟虛徐
耀珠幢而摇曳千枝艷簇百和芳騰拱獅御
於霄衢輅鸞和於禁路誠殫螻蟻願垂雨露

朝二

十一

之仁惠藹鴻厖期拜日星之德即俾亡故某
斷除宿累普被新釐錫劔履以朝天端佩環
而謁帝以今臨午陞壇行道請法衆等運茲
初捻上香

願此香煙騰空徑上供養

无上至真道寶臣等皈身皈神皈命首體投
地仰依

太上三尊願以是功德上祝

宗桃先聖社稷尊靈伏願瓊輅駮龍瑤軒泛
鳳登崑丘而問道流慶璇圖升瓊圃以參玄

垂祥寶祚萬國拱无爲之化八紘歌有道之
年等虞俗於時雍並夏謨於元治今故燒香
自皈依

師尊大聖衆至真之德得道之後保天長存

和與道合真

以今臨午陞壇行道請法衆等運茲二捻上
香奉天聖衆至真之歎歎之歎歎天身存
願此香煙騰空徑上供養

无上至真經寶臣等皈身皈神皈命首體投
地仰依

太上三尊願以是功德歸流亡故某伏願一
性虛靈萬緣蕩寂業障報障煩惱障風散秋
雲惡根毒根生死根日融曉雪黑朔勿淪於
地域朱陵徑上於天關閉七葉以流芳茂五
枝而挺瑞今故燒香自皈依

師尊大聖衆至真之德得道之後升入無形
和與道合真

以今臨午陞壇行道請法衆等運茲三捻上
香

願此香煙騰空徑上供養

朝二

十二

无上至真師寶臣等皈身皈神皈命首體投
地仰依

太上三尊願以是功德歸流臣等三師四友
五族六親伏願道貌春融德容晝潤金花益
茂交離坎於黃庭玉藥長新耀乾坤於絳室

既往者登小有清虛之域見在者宴大乘空
洞之鄉翼鳳牒以天齊贊龍函而地久今故
燒香自皈依
師尊大聖衆至真之德得道之後長享自然
和與道合真

禮方

步虛

懺方

命魔

控轡適十方
俯眄紫雲蘿
積學爲真人

旋憇玄景阿
逍遙太上京
恬然榮衛和

仰觀劫仞臺
相與坐蓮華
永享無期壽

萬椿奚足多

又

大道師玄寂

昇仙友无英

公子度靈符

太乙捧洞章

舍利耀金姿

龍駕倏來迎

天尊眄雲輿

飄飄乘虛翔

香花若飛雪

朝二

氛靄茂玄梁

頭腦禮金闕

攜手遨玉京

十三

又

騫樹圓景園

煥爛七寶林

天獸三百名

獅子巨萬尋

飛龍躡躅吟

神鳳應節鳴

靈風扇奇華

清香散人衿

自無高仙才

焉能耽此心

齋齋清人外

自無高山下

聯于三三啓

衆請觀觀今

軒鳳歌嘯即

三禮

天壇上寶林

天壇三百餘

重稱法位

具位臣某與臨壇官衆等謹同誠上啓

虛无自然元始天尊元極大道太上道君太
上老君高上玉皇十方已得道大聖衆至真
諸君丈人三十二天帝君玉虛上帝玉帝大
帝東華南極西靈北真玄都玉京金闕七寶
瓊臺紫微上官靈寶至真明皇道君三十六

部尊經玄中大法師上相上宰上保上傳太平下教二十四真人西城總真王君太元真人東嶽上卿司命茅君定錄保命二真人名山洞府得道神仙三界官屬一切真靈臣聞靈杖神鋒實代形之奇術真砂聖藥乃遺世

之良方習五解而碧落飛翔脫六道而玄虛遊宴皆上聖提攜於九軌欲下愚超邁於三天況好道求靈未造神奇之變化致趨陰皆死繼歸臭腐以尋常忍使沉迷不加拯援今亡故某幸生樂土獲際昌期誓修七部之瓊

網獲佩三乘之玉策風清琅陛幾隨龍尾之
班月冷瑤壇曾侍獅頭之座倏歸死錄莫返
生方卜宅兆於九京密藏形體法衛嚴於五
鍊潛護神魂願法體之再生庶冥期而重合
深慮積生之後宿劫以來人我紛紜縱罪根
朝三
而六情兩集是非顛倒飄業蒂而五賊雲滋
行無一善之堪書身有千愆之可錄濟存度
往自亂威儀拜表上章遏遵俯仰悅名韉利
鎖而不思禁戒溺恩膠愛漆罔念科條擅役
神靈冒策將吏字紀陰陽之錄名刊水火之

曹寂寂寒庭恍形神之考對茫茫夜壑致性
識之推研匪上叩於穹玄曷下殫於衷素修
齋謝過請命十華懺罪祈恩皈心九禁所冀
誕敷紫綉申錫丹綸削簡書而昭曠仁恩毀
簿錄而登紀善績亟辭地禁祇拜天光即受
化於南陵俾飛行於北闕申飭里域爲營護
其形軀告命司存尚衛扶其體魄脩契陰運
即合陽神逍遙玄碧之中嘯咏虛无之上允
繇覆翊亶賴生全上願玉虛高澄金粟靜晏
儀璘光耀風雨均調鴻鴈相安慶田疇而富

足貔貅自樂毋疆塞之烽驚鳶魚游泳於生
生草木鮮榮於化化幽關苦爽均證仙鄉陰
域囚徒悉登樂國則上明

天尊大慈之化下副臣等皈命之誠謹啓以
聞

發願

一願大道淡泊虛无安閑空寂澄清自居廣
三開法門教導頑夫皆蒙惠澤精苦自修預
以同學普得升虛與天相保長存無憂
二願諸天結氣澄清高虛廣覆保真固靈炁

候調節四運和平國安民豐普天閑寧廣
濟一切惠達有生保天長存億劫不傾

三願土地覆載無窮安平不陷海淪不崩保
鎮家國兆民興從養生安死惠周十方禾
稼滋植營運日豐咸得覆載萬類皆從

四願日月二景高明無有字蝕虧盈安靖光
照諸天洞消暗冥保固劫運世祚和平普
加潤澤惠洒衆生

五願星辰與天齊光轉燭照耀朗映十方各
安其位經緯直行保鎮家國無有災傷四

海寧一普願昌隆

六願四時隨節推遷景炁和調無有災患疫
毒消滅普天安平五穀豐熟國富民歡

七願浮雲結炁聚煙飛空高澄蔭覆玄玄隱
則無爲散則彌天神仙同居結友衆真惠

流一切興國愛民普濟群生人同劫年

八願風雨徧洒無窮普加施泄受其發揚萬
物滋生國儲民豐

九願五嶽各安其方巍巍包藏長爲仙宮安

鎮國祚保天無終護度一切莫不仰宗

十願江海蕩蕩無極含容恢廓無細不植淵
奧柔惠潤加蠕息天人獲慶年同劫石

十一願帝王國主日昌四鎮安睦兵革不揚
天人歌唱吉應來翔敷教濟濟威化揚揚
兆庶稱慶長樂未央

朝二

十六

十二願螟飛蠢動已生未生成蒙安全普得
生成皆見元炁受陽之形草木果林經冬
不零一切濟度靡不鮮榮和與道合真

存神燒香

香官使者左右龍虎君侍香諸靈官當令臣

午朝行道之所自然生金液丹碧芝英百靈
衆真交會在此香火爐前令臣學道得道求
仙得仙齋主受福幽顯沾恩十方仙童玉女
侍衛香煙傳臣所啓之誠速達徑御
太上无極大道至真玉皇上帝御前

出堂頌

回靜默堂

靈寶領教濟度金書卷之一百十九

靈寶領教濟度金書卷之一百二十

洞微高士開光救苦真人寧全真授

靈寶通玄弘教水南先生林靈真編

科儀立成品五鍊生尸齋用

晚朝行道儀

朝二

十七

燒香頌

各禮師存念如法

五星高耀 瑞炁飛浮 元始集神 天地交周

玉符寶節 嘯命微幽 擲火揚威 奸凶無留

萬魔振伏 紛葩卻消 摧怪伐惡 道炁周流

神光照夜 陰翳俱收 萬仙降格 扇景乘飈
群生咸遂 惠遍神州 和與道合 真

正星高鳴法鼓二十四通

无上三天 玄元始三炁 太上道君 召出臣等
身中三五 功曹左右 官使者侍 香金童傳言
散花玉女 五帝直符 直日香官 各三十二人
出出者嚴裝 闕啓玄壇 天帝君當 召此間土
地里域真官 正神急上 闕啓臣今 奉爲入齋
意以今落景 陞壇行道 願得玉清 道炁靈寶
妙光下降 流入臣等 身中令臣 所啓之誠 速

達徑御

太上无極大道至真玉皇上帝御前

請稱法位

具位臣某與臨壇官衆等謹同誠上啓

虛无自然元始天尊无極大道太上道君太

上老君高上玉皇十方已得道大聖衆至真

諸君丈人三十二天帝君玉虛上帝玉帝大

帝東華南極西靈北真玄都玉京金闕七寶

瓊臺紫微上宮靈寶至真明皇道君三十六

部尊經玄中大法師上相上宰上傳太

平下教二十四真人西城總真王君大元真人東嶽上卿司命茅君定錄保命二真人名山洞府得道神仙三界官屬一切真靈臣聞玄元授道分三洞以流光靈寶傳經周十華而散彩溥鏤玉裁金之妙示風纏雲絡之玄

朝二

十八

十部飛天仰中乘於微妙五篇鎮地翊上士於希夷實由仙聖之心傳亶賴真靈之曲授邇遐咸賴幽顯均資臣等知白心紆探玄志鬱煙霞獨嘯未藏林岫以怡神日月同流入混樊籠而滓性懼尚縈於玄律莫慨袞於丹

書證誓丹青憲天補過徼盟金石勵志立功
勉勲行之早圓副勤修之素志凡有投告敢
不上聞

宣詞

按如詞旨備切忱恂臣聞五鍊生尸鎮形骸
於陰域萬神返炁合魂魄於陽宮超骨肉而
長嘯青冥全音容而飛登碧漢如夢之覺數
百載恍若等閑若醉之醒歷千年殆猶頃刻
經彰妙應事載竒文今某夙植慶基生逢昌
運瑤壇鳳祀曾振履以高躋瓊笈龍函久摳

衣而朗咏未敦良効莫策竒勛遽爾終朝徒
有乘晨之想溘然一旦倏爲積夜之遊生死
旣睽升沉斯速孝子某恩深鞠育誠切薦修
弟子某等分同父道宿佩師恩悵天高以難
升恨地迥而莫問百骸忍死五內無生雖玄

前二

十九

造包容宜錫靈光而接引奈黑鬱沈寂懼淪
陰翳以沉埋非沛澤於高穹曷登真於厚土
爰崇藻笈肅建芝壇遵滅度鍊尸之科修空
洞升神之典旛花搖曳借尺地以球鳴旌葆
葳蕤露寸天而玉立風雲會合水月交羅瞻

妙相於玉毫觀神輝於金彩碧霞旋絡重殫
翼翼之小心紫霧翩翩仰叩巍巍之大梵爲
亡故其返還祖炁辟斥陰塵爲金闕之良臣
侍玉皇之香案以今晚朝陞壇行道請法衆
等運茲初捻上香

願此香煙騰空徑上供養

无上至真道寶臣等皈身皈神皈命首體投
地仰依

太上三尊願以是功德上祝

社稷尊靈宗祧先聖伏願天關叅妙宸闕登

真駟玄駟而策瑤臺神超渺渺駕彩鸞而升
瓊圃炁入玄玄延寶曆於千年蔭璇源於萬
葉歌九功而俗臻大定舞七德而化洽平康
今故燒香自皈依

師尊大聖衆至真之德得道之後保天長存

和與道合真

以今晚朝陞壇行道請法衆等運茲二捻上
香

願此香煙騰空徑上供養

无上至真經寶臣等皈身皈神皈命首體投

地仰依

太上三尊願以是功德歸流亡故某業網停
張寃輪息運朱陵度命無拘留逼合之憂黑
朔升神有侍衛送迎之喜超陽清於萬載脫
陰濁於一朝垂燕翼而詩禮誥誥攀龍鱗而
茲歌袞袞今故燒香自皈依

朝二

二十

師尊大聖眾至真之德得道之後升入無形
和與道合真

以今晚朝陞壇行道請法眾等運茲三捻上
香

願此香煙騰空徑上供養

无上至真經寶臣等皈身皈神皈命首體投
地仰依

太上三尊願以是功德歸流臣等三師四友
五族六親伏願道德娛情中和悅性壽基永
茂鍊龍虎於偃月之爐福祉長開育烏兔於
明霞之館既往者書名紫策見在者紀善青
編永遊宴於天和獲優閑於地樂今故燒香
自皈依

師尊大聖眾至真之德得道之後長享自然

和與道合真

禮方

懺方

三啓

三禮

重稱法位

朝二

具位臣某與臨壇官衆等謹重誠上啓

虛无自然元始天尊无極大道太上道君太
上老君高上玉皇十方已得道大聖衆至真

諸君丈人三十二天帝君玉虛上帝玉帝大

帝東華南極西靈北真玄都玉京金闕七寶
瓊臺紫微上宮靈寶至真明皇道君三十六
部尊經玄中大法師上相上宰上傳太
平下教二十四真人西城總真王君太元真
人東嶽上卿司命茅君定錄保命二真人名
山洞府得道神仙三界官屬一切真靈臣聞
函三御炁超萬物以標竒得一分靈稟五行
而毓秀涉世人推於俊傑濟時天錫於英雄
皆上帝加賴以行道之權故下民密會其修
真之迹況身叅三洞未合却老延齡之方致

軀瘞九原徒羨受化更生之術尤蒙眷軫曲
賜扶持今亡故某夙慕真宗久叅正教幾侍
虛无之座獲依妙有之墀降真召靈久頒玉
簡飛元會道屢咽金符何大數之難逃致餘
生之易滅五方榮衛期肢體以無傷九域護

持使形神而再合獲登妙境可脫塵緣尚慮
積劫以來有生之後劫塵滓性隨五賊以飛
奔世網縈心依六淫而流蕩虧忠孝而賤名
檢輕仁義而叛綱常禱雨祈晴莫遵玄律驅
魔馘崇弗守丹章靜無功行之堪書動有寃

愆之可錄羊腸岐路常萌戒謹之心蟲臂功
名每逞貪高之念惟思趨下罔識受中致明
涉於是非而幽罹於鬼責天年倏殞既陽域
之永辭地禁忽逢慮陰關之或繫匪拜恩書
於帝闕曷消刑籍於冥曹壇建十門歸誠十
朝二
極階崇三級請命三元所冀彩鳳啣來金雞
于二
飛下罪無大小均冰釋於丹書過有顯微悉
風清於黑簿亟離澤壘高宴虛玄登劫仞而
身廁駕班觀鬱羅而神升螭尻永陟真仙之
列克爲聖皇之臣天上仙官遵德音而翊衛

地下令長體道旨以護持俾運會以攸逢使
形神之再邁飛行碧落宴坐清都蒙旌萬一
之析允佩再三之造上願三光高耀四氣朗
清八海澄輝五山靜彩犬無夜吠息烽燧於
疆陸鳳有朝鳴動犁鋤於隴畝萬姓謳歌而
齊躋壽域先民鼓舞而俱宴福鄉蛭息跂行
各全生意蛸翹蠢動均樂化機五道停閑三
塗清謐則上明

天尊大慈之化下副臣等皈命之誠謹啓以

聞

舉願

一願大道流行普天懷德二願一切有生咸
皆悟道三願九夜幽魂一時解脫四願孤爽
無依咸得受生五願天下太平五穀豐熟六
願臣忠子孝君仁父慈七願四海通同究親
朝二
和釋八願潛胞處卵咸得生成九願積疾新
痼旋即痊愈十願孤露衆生豐衣足食和與
道合真

二十三

存神燒香

香官使者左右龍虎君侍香諸靈官當令臣

晚朝行道之所自然生金液丹碧芝英百靈
衆真交會在此香火爐前令臣學道得道求
仙得仙齋主受福幽顯沾恩十方仙童玉女
侍衛香煙傳臣向來所啓之誠速達徑御與
太上无極大道至真玉皇上帝御前

出堂頌

回靜默堂

靈寶領教濟度金書卷之一百二十



